



Crna Gora
Ministarstvo vanjskih poslova i evropskih integracija
Generalni direktorat za multilateralne poslove i regionalnu
saradnju

Br.

Podgorica, 14. april 2015. godine

PLATFORMA
za učešće potpredsjednika Vlade i ministra vanjskih poslova i
evropskih integracija Crne Gore dr Igora Lukšića na sastanku
ministara vanjskih poslova u okviru Brdo procesa, Brdo kod Kranja,
23. aprila 2015. godine

Potpredsjednik Vlade i ministar vanjskih poslova i evropskih integracija Crne Gore dr Igor Lukšić učestvovaće na sastanku ministara vanjskih poslova u okviru Brdo procesa, koji će se održati u Sloveniji, Brdo kod Kranja, 23. aprila 2015. godine.

Sastanak, koju organizuju Ministarstvo vanjskih poslova Slovenije i Ministarstvo vanjskih poslova i međunarodnog razvoja Francuske, će okupiti, osim domaćina, šefove diplomatija Austrije, Njemačke, Italije, Hrvatske, Bosne i Hercegovine, Srbije, Albanije i Crne Gore. Takođe, na sastanku će učestvovati i visoki predstavnici međunarodne zajednice među kojima i Johan Han (Johannes Hahn), evropski komesar za evropsku politiku susjedstva i pregovore o proširenju i Federika Mogherini (Federica Mogherini), potpredsjednica Evropske komisije i visoka predstavica za zajedničku vanjsku i bezbjednosnu politiku Evropske unije.

Shodno agendi, predviđeno je da sastanak otvori slovenački predsjednik Borut Pahor, nakon čega će radni dio odvijati u dvije sesije. U prvom dijelu sastanka na temu: "Bezbjednost i politička stabilnost evropskog susjedstva" uvodna izlaganja imaće domaćini sastanka, ministri Slovenije i

Francuske Erjavac i Fabius, kao i potpredsjednica Evropske komisije Mogerini, nakon čega će učesnici sastanka imati priliku za kratko istupanje na pomenutu temu.

U drugom dijelu skupa, u formi radnog ručka, na temu: "Regionalna saradnja i njen konkretan razvoj", biće razmijenjena mišljenja o iskustvima zemalja nakon poplava koje su zadesile dio Zapadnog Balkana 2014. godine, agendi za mlade Zapadnog Balkana, kao i povezanosti EU i tog regiona. Nakon izlaganja domaćina, kao i komesara Hana, diskusija će biti otvorena za učesnike sastanka.

Nakon skupa biće organizovana konferencija za štampu.

Značaj učešća potpredsjednika Vlade i ministra vanjskih poslova i evropskih integracija Crne Gore dr Igora Lukšića na sastanku ministara vanjskih poslova u okviru Brdo procesa, Brdo kod Kranja, 23. aprila 2015. godine

Učešće potpredsjednika Vlade i ministra vanjskih poslova i evropskih integracija Crne Gore dr Igora Lukšića na sastanku ministara vanjskih poslova u okviru Brdo procesa predstavljaće dobru priliku za dalju promociju napretka i ostvarenih rezultata Crne Gore na nacionalnom, regionalnom i evropskom planu, kao i razmjenju mišljenja sa ministrima vanjskih poslova zemalja Zapadnog Balkana o aktuelnoj situaciji u regionu, u prvom redu zajedničkoj saradnji na projektnom nivou i evropskim integracijama.

Sastanak u Sloveniji biće dobra prilika i za iskazivanje jasne spremnosti za konkretno djelovanje o okviru Brdo procesa, kao i razmjena mišljenja sa potpredsjednicom Evropske komisije Federikom Mogerini i evropskim komesarom Johanom Hanom o aktuelnim temama od značaja za Crnu Goru i region u cijeli.

Sastav delegacije

Delegaciju Crne Gore predvođiće potpredsjednik Vlade i ministar vanjskih poslova i evropskih integracija dr Igor Lukšić, a u delegaciji će biti Sanja Radulović, III sekretar u Kabinetu ministra vanjskih poslova i evropskih integracija.

Troškove organizacije i učešća delegacije Ministarstva vanjskih poslova i evropskih integracija na sastanku ministara vanjskih poslova u okviru Brdo procesa snosiće organizator skupa i Ministarstvo vanjskih poslova i evropskih integracija Crne Gore.

PRIJEDLOG ZAKLJUČAKA

1. Vlada Crne Gore na sjednici od _____ 2015. godine, razmotrila je i usvojila Platformu za učešće potpredsjednika Vlade i ministra vanjskih poslova i evropskih integracija Crne Gore dr Igora Lukšića na sastanku ministara vanjskih poslova u okviru Brdo procesa, Brdo kod Kranja, 23. aprila 2015. godine.
2. Istovremeno, Vlada Crne Gore je odredila i članove crnogorske delegacije koju će predvoditi potpredsjednik Vlade i ministar vanjskih poslova i evropskih integracija dr Igor Lukšić, a u delegaciji će biti Sanja Radulović, III sekretar u Kabinetu ministra vanjskih poslova i evropskih integracija.